





唐詩拾遺總目 凡十

第一卷

五言古詩

詩八十一首

第二卷

五言古詩

詩七十一首

第三卷

七言古詩

詩五十一首

第四卷

五言絕句

詩七十一首

七言絕句

詩一百四首



第五卷

五言律詩

詩一百五首

第六卷

五言律詩

詩一百三十九首

第七卷

五言律詩

詩一百一首

第八卷

五言排律

詩五十六首

第九卷

五言排律

詩六十九首

第十卷

七言律詩

詩一百五首

已上諸體共詩九百五十四首

予既愛唐詩喜編錄初採衆作裒為一集曰唐詩品彙凡得唐諸家六百二十人共詩五千七百六十九首分為九十卷自洪武甲子迨于癸酉方脫稿其用心亦勤矣切慮見知之所不及選擇之所忽怠猶有以沒古人之善者於是再取諸書深加摘括或舊未聞而新得或前見置而後錄掇其漏搜其逸又自癸酉迄戊寅是編始就復會作者姓氏六十有一詩九



百五十四首為十卷題曰唐詩拾遺附于品彙之後足為百卷以成集或曰唐詩於此盡矣吁尚何能盡之哉蓋唐世以詩取士士之生斯世也孰不以詩鳴其精深閱博窮極興致而壞奇雅麗者往往震發散落天地間篇什之多莫可限量矧余之窮山獨處力勢孤微無以博觀天儲四庫之盛徒貽坐井之譏耳然嗜好之篤夙志未平冀待將來之歲月得以窮探遠討續錄別抄庶見唐詩之集大成者此予之素願也聊誌斯語抑有望於同志者為余增廣耳目焉洪武戊寅秋新寧高棟謹誌

唐詩拾遺卷之一目錄

五言古詩上

太宗皇帝

五

許敬宗

虞世南

魏徵

一

李百藥

于志寧

令狐得棻

一

杜正倫

陳子良

任希古

一

劉孝孫

王易從

盧照隣

三

劉庭芝

沈佺期

宋之問

二

陳子昂

喬知之

李嶠

一

李義府

徐顏伯

張說

四

蘇頲

源乾曜



徐仁友

一

王翰

一

李林甫

一

權澈

二

張九齡

七

蔡希寂

一

蔡文恭

一

宋務光

二

張光朝

一

包融

一

陶翰

一

劉真虛

一

儲光羲

八

李頎

三

常建

三

吳筠

五

孟雲卿

四

丁仙芝

一

劉復

一

唐詩拾遺卷之一

五言古詩上

太宗皇帝

帝京篇 三首

新寧高棟編

落日雙闕昏迴輿九重暮長煙散初碧皎月澄輕素  
褰幌翫琴書開軒引雲霧斜漢耿層閣清風搖玉樹

二

鳴笳臨藥館眺聽歡芳節急管韻朱絃清歌凝白雪  
彩鳳肅來儀玄鶴紛成列去茲鮑衛聲雅音方可悅



飛蓋太芳園蘭橈遊翠渚萍間日彩亂荷處香風舉  
桂楫滿中川絃歌振長嶼豈獨汾河曲方為歡宴所

元日

高軒暖春色邃閣媚朝光彤庭飛彩旆翠幌曜明璫  
恭已臨四極垂衣馭八荒霜戟列丹陛絲竹韻長廊  
穆矣薰風茂康哉帝道昌繼文遵後軌循古鑒前王  
草秀故春色梅艷昔年粧巨川思欲濟終以寄舟航

重幸武功

代馬依朔吹驚禽愁昔藜况兹承睿德懷舊感深衷

積善欣餘慶暢武悅成功垂衣天下治端拱車書同  
白水巡前迹丹陵幸舊宮列筵歡故老高宴聚新豐  
駐蹕撫田峻迴輿訪牧童瑞氣縈丹闕祥煙散碧空  
孤嶼含霜白遙山帶日紅於焉歡擊筑聊以味南風  
許敬宗

奉和元日應制

天正開初節日觀上重輪百靈滋景祚萬土慶惟新  
待旦敷玄造韜旒御紫宸武帳臨光宅文衛象鈞陳  
廣廷揚九奏大帛麗三辰發生同化育播物體陶鈞  
霜空澄曉氣霞景瑩芳春德輝覃率土相賀奉還淳



虞世南

從軍行

烽火發金微連營出武威孤城寒雲起絕陣虜塵飛  
俠客吸龍劍惡少縵胡衣朝摩骨都壘夜解谷蠡圍  
蕭關遠無極蒲海廣難依沙磧離旌斷晴川候馬歸  
交河梁已畢燕山旆欲飛方知萬里相侯服有光輝

魏徵

奉和正日臨朝

百靈侍軒后萬國會塗山豈如今睿哲邁古獨光前  
聲教溢四海朝宗引百川鏘洋鳴玉珮灼爍耀金蟬

淑景輝雕輦高旌揚翠煙庭實超王會廣樂盛鈞天  
既欣東日戶復咏南風篇願奉光華慶從斯萬億年

李百藥

登葉縣故城謁沈諸梁廟

總轡臨秋原登城望寒日煙霞共掩映林野俱蕭瑟  
楚塞鬱不窮吳山高漸出客行殊未已沐浴期終吉  
椒桂奠芳樽風雲下虛室館宇肅而靜神心康且逸  
伊我非真龍勿驚疲朽質

于志寧

冬日宴群公子宅賦得盃字



陋巷朱軒擁衡門緹騎來俱裁七步詠同傾三雅盃  
色動迎春柳花發犯寒梅賓筵未半醉驪歌不用催  
今孤得菜

賦得趣字 同前題

高門聊命賞群英於此遇放曠山水情留連文酒趣  
夕煙起林蘭霜枝殞庭樹落景雖已傾歸軒幸能駐  
杜正倫

賦得節字 同前題

李門余妄進徐榻君恒設清論暢玄言雅琴飛白雪  
寒雲鬢落景朔風淒暮節方欣投轄情且駐當歸別

陳子良

夏晚尋于政世置酒賦韻

聊從嘉遁所酌醴共抽簪以茲山水地留連風月心  
長榆落照盡高柳暮蟬吟一反桃源路別後難追尋  
任希古

和七月七日臨昆明池

秋風始搖落秋水正澄鮮飛眺牽牛渚激賞鏤鯨川  
岸珠淪曉鳧池灰歛曙煙泛查分瀉漢儀星別構天  
雲光波處動日影浪中懸驚鴻結蒲弋遊鯉入莊筌  
萍葉凝江上菱花似鏡前長林代輕幄細草即芳筵



文華開翠瀨筆海控清漣不挹蘭樽聖空仰桂舟仙  
劉孝孫

早發成高望河

清晨發巖邑車馬走轅轅迴瞰黃河上恟怛屢飛鳧  
鴻流導積石驚浪下龍門仙槎不辨處沈璧想猶存  
遠近洲渚出颯沓鳧鴈喧懷古空延佇歎逝將何言

王易從

臨高臺

漢主事祁連良人在高闕空臺寂已暮愁坐變容髮  
汎艷春幌風徘徊秋戶月可憐軍書斷空使流芳歇

盧昭隣

赤谷安禪師塔

獨坐巖之曲悠然無俗紛酌酒呈丹桂思詩贈白雲  
煙霞朝晚聚猿鳥歲時聞水華競秋色山翠含夕曛  
高談十二部細覈五千文如如數冥昧生生理氛氲  
古人有糟粕輪扁情未分且當事芝朮從吾所好云

贈益府裴錄事

忽忽歲云暮相望限風煙長歌欲對酒危坐遂停絃  
停絃變霜露對酒懷朋故朝看桂蟾晚夜聞鴻鴈度  
鴻度何時還桂晚不同攀浮雲映丹壑朗月滿青山



青山雲路深丹壑月華臨耿耿離憂積空令星鬢侵

贈益府羣官

一鳥自北燕飛來向西蜀單棲劔門上獨舞岷山足  
昂藏多古貌哀怨有新曲羣鳳從之遊問之何所欲  
答言寒鄉子飄颻萬餘里不息惡木枝不飲盜泉水  
常思稻梁遇願棲梧桐樹智者不我邀愚夫余不顧  
所以成獨坐耿耿歲云暮日夕苦風霜思歸赴洛陽  
羽翻毛衣短關山道路長明月流客思白雲迷故鄉  
誰能借風便一舉凌蒼蒼

劉庭芝

巫山懷古

巫山幽陰地神女艷陽年襄王何容色落日望悠然  
歸來高堂夜金釭焰青煙頽想臥瑤帝夢魂何翩翩  
搖落殊未已榮華倏徂遷愁思瀟湘浦悲涼雲夢田  
猿啼秋風夜鴈飛明月天已歌不可聽聽此益潺湲

沈佺期

辛丑歲十月上幸長安時扈從出西嶽作  
西鎮何穹崇壯哉信靈造諸嶺皆峻秀中峯特美好  
傍見巨掌存勢如拓東倒頗聞首陽去聞折此河道  
磅礴壓洪源巍峩壯清昊雲泉紛亂瀑天磴屹宏抱



子先呼其巔宮女世不老下有府君廟靡載傳洒擣  
星明應天遊十月成豐鎬微末忝閑從兼得事蘋藻  
宿心愛此山意欲拾靈草陰壑已冰閉雲竇絕探討  
芬月期來過廻策思方浩

同工部李侍郎送司馬白雲歸天台

紫微降天僊丹地投雲藻上言華頂事中間長生道  
華頂居最高大壑朝陽早長生術何妙童顏後天老  
清晨朝鳳京夜靜思鴻寶憑崖飲蕙氣過澗摘靈草  
人非冢已荒海變田應燥昔常遊北郡三霜弄溟島  
緒言霞上開機事塵外掃頃來拋世務清曠末云保

崎嶇待漏恩怵惕司言造軒皇重齊拜漢武愛祈禱  
順風懷崆峒承露在豐鎬冷然委輕馭復得快幽抱  
關下留伯陽儲間登四皓昔有參同訣何時一探討

宋之問

洞庭湖

地盡天水合朝及洞庭湖初日當中涌莫辨東西隅  
晶耀目何在澄熒心欲無靈光晏海若游氣耿天吳  
張樂軒皇至征苗夏禹徂楚臣悲落葉堯女泣蒼梧  
野積九江潤山通五嶽圖風恬魚自躍雲夕鴈相呼  
獨此臨泛漾浩將人代殊永言洗氛濁平歲為清娛



要使功成退徒勞越大夫

景龍四年春祠海

肅事祠春溟宵齋洗蒙慮雞鳴見日出鷺下觀濤鴛  
地闊八荒近天迴百川澍筵端接空曲目外唯雰霧  
暖氣物象來周遊晦明互致腥匪玄亨禋滌期靈煦  
的的波際禽泫泫島間樹安期今何在方丈蔑尋路  
仙事與世隔冥搜徒已屢四明北羣山遺老莫辨處  
撫中良自慨弱齡添恩遇三入文史林兩岸神仙署  
雖嘆出關遠始知臨海趣賞來空自多理勝孰能喻  
留揖竟何待徙倚忽云暮

陳子昂

贈趙貞固 二首

回中烽火入塞上追兵起此時邊朔寒登隴思君子  
東顧望漢京南山雲霧裏

赤螭媚其彩婉孌蒼梧泉昔者琅琊子躬耕亦愷然  
美人豈遐曠之子乃前賢良辰何日許白日屢頽遷  
道心固微密神用無留連舒可瀟宇宙攬之不足采  
蓬茅久蕪沒金石徒精堅良寶委短褐閑琴獨嬋娟  
喬知之

擬古贈陳子昂



惇惇孤形影悄悄獨遊心以此從王事常與子同衾  
別離三河間征戰一庭深胡天夜雨霜胡鴈晨南翔  
節物感離別同衾還故鄉南歸日將遠北方尚蓬飄  
孟秋七月時相送出外郊海風吹涼木邊聲暗梢梢  
歎息千萬里將臨五十年心事為誰道抽琴歌坐筵  
一彈再三歎賓御涕潺湲送君竟此曲從茲長絕絃

李嶠

奉教追赴九成宮途中口號

委質承仙翰祇命遄搖策事偶從梁遊人非背隹客  
長驅歷川阜迴眺窮原澤鬱鬱桑柘繁油油禾黍積  
雨餘休氣靜日下山光夕未攀藂桂岩猶倦飄蓬陌  
行當奉麾蓋慰此勞行役

李義府

招諭有懷贈同行人

遠遊冒艱阻深入勞存諭春去辭國門秋還在邊戍  
軒車行未返節序催難駐陌上悲轉蓬園中想芳樹  
蜀山自紛糾岷水恒奔注臨泛多苦懷登攀寡歡趣  
未夕飛淫雨崇朝蒸毒霧不求緩嶺桃寧美邛鄉蒟  
白狼行欲靜驄馬何常驅唐韻區遇切刻集者未知此音或改為駐而不知前  
已押催難願接軺旆塵聯翩東北鶩

駐誤矣

願接軺旆塵聯翩東北鶩



徐彥相

贈劉舍人古意

女牀閔靈鳥文章世所稀  
巢君碧梧樹舞君青瑣闈  
或言鳳池樂撫翼更西飛  
鳳池環禁林仙閣靄沈沈  
璇題激流日珠網綿清陰  
郁穆帝言重熒煌台座深  
風張丹所翮月弄紫庭音  
衆綵結不散孤英豉莫尋  
浩歌向蘭渚婉變故傳心

張說

夕宴房主簿舍

歲晏關雍空風急河渭水薄遊  
羈物後微尚愜遠憑

旅館月宿求閉扃雲思與伊人美  
脩夜朋酒惠來稱  
交談旣清雅琴吹亦淒凝  
不逢君騫洞幽意長鬱蒸  
奉酬常祭酒自湯還都經龍門北溪莊見  
貽之什

聞君湯井至瀟洒戲郊林拂曙携清賞  
披雲親綠岑  
歡然遊覽意欵曲望歸心  
是日期佳客同山忽異尋  
桃花遷路轉楊柳間門深  
汎舟伊水漲繫馬香樹陰  
繁絃弄水族嬌吹狎沙禽  
春滿汀色媚景斜嵐氣深  
懷仁殊未遠重德匪輕臨  
來藻敷幽恩連詞報所欽

登九思臺

是楚樊  
卿墓



楚國所以霸樊姬有力焉不懷沈尹祿誰進叔敖賢  
萬化茫無在孤墳獨歸然北分陽臺陌南識郢城阡  
漠漠渚宮樹蒼蒼雲夢田登高形勝出訪古今名傳  
自我來符守因君樹蕙荃詩書將變俗絺纈忽彌年  
志闌三折後愁值二毛前佇立帝京路搖心寄此篇

贈崔公

我聞兩漢日四老南山幽長歌紫芝秀高卧白雲浮  
朝市光塵絕榛無年貌秋一朝驅駟馬連袂入龍樓  
昔遁高皇太今從太子遊行藏唯聖節禍福在人謀  
卒能庄惠帝豈不賴留侯事隨年代遠名與圖籍留  
平生欽厚德慷慨景前脩蚌蛤想陰兇蛟龍望斗牛  
無嗟異飛伏同氣幸相求

蘇頌

和杜主簿春日有所思

朝上高樓上俯見洛陽陌搖蕩吹花風落英紛已積  
美人不共此芳好空所惜攬鏡塵網滋當窓苔蘚碧  
緬懷在雲漢良願睽枕席翻似無見時如何久為客

奉和聖製過晉陽宅應制

隋運與天絕生靈厭氛昏聖期在寧亂士馬興太原  
立極萬邦推登庸四海尊慶膺神武帝業付皇曾孫



緬慕封唐首追惟歸沛魂詔書感先義典禮巡舊藩  
高殿彩雲合春旗祥風翻率西見汾水奔北空塞垣  
款曲童兒佐依遲故老言里頌慈惠賞家受復除恩  
下輦崇三教觀人作建碑當九門孝思敦至美億載奉  
開元

源乾曜

奉和聖製送張尚書巡邊

匈奴邇河朔漢地須戎旅天子釋英才朝端出監撫  
流星不間闔闔寶鉞專公輔禮物生光輝宸章備恩詔  
有征視予戟制勝唯樽俎彼美何壯哉桓桓擅斯舉

聲華振臺閣功德標文武奉國知命輕忘家以身許  
安人在勤恤保大殫襟腑此外無異言同情報明主

涂仁友

古意贈孫翌

南望緱氏嶺山居共澗陰東西十數里緬邈方寸心  
雲日落廣厦鶯花對孤琴琴中多苦調悽切誰復尋

王翰

贈唐相二子

鴈飛遵枉渚鹿鳴思故羣物情尚勞愛况乃予別君  
別時花始發別後蘭再熏瑤觴滋白露寶瑟凝涼氛



徘徊北林月悵望南山雲雲月渺千里音微不可聞

李林甫

秋夜望月憶韓席諸侍郎因以投贈

秋天碧雲夜明月懸東方皓皓庭際色稍稍林下光  
桂華澄遠近壁影散池塘鴻鴈飛難度關山曲易長  
揆予秉孤直虛薄忝文昌握鏡慙先照挾衡愧後行  
多才衆君子載筆久詞場作賦推潘岳題詩許謝康  
嘗時陪宴語今夕恨相望願欲接高論清晨朝建章

權澈

題沈黎城

蘇子卧北海馬翁渡南洲迹恨事乃立功達名遂休  
夜聞羽書至召募此邊州鐵騎耀楚甲玉匣橫吳鉤  
雪厚羣山凍蓬飛荒塞秋久戍曷辭苦數戰期封侯  
不學豎儒輩一經垂白頭

張九齡

折楊柳

纖纖折楊柳持取寄情人一枝何足貴憐是故園春  
遲景那能久流芳不及新更愁征戍客容髮老邊塵

登城樓望西山作

城樓枕南浦日夕顧西山宛宛鸞鶴處高高烟霧間



僊井今猶在洪崖久不還金編莫我授羽駕亦誰攀  
簷際千峯出雲中一鳥閑縱觀窮水國遊思遍人寰  
勿復塵埃事歸來且閉關

秋晚登樓望南江入始興郡路

潦收沙衍出霜降天宇晶伏檻一長眺津途多遠情  
思來江山外望盡雲烟生滔滔不自辨役役且何成  
我來颯哀髮孰云飄華纓櫪馬苦蹉跎籠禽念遐征  
歲陰况婉婉日夕空屏營物生賢得性身累由近名  
內顧覺今是追歡何時平

嘗與大理丞袁公府丞田公偶詣一所林

沼尤勝因竝坐其次相得甚歡遂賦詩焉  
以詠其事

方駕與吾友同懷不異尋偶逢池竹處便會江湖心  
及近林方密春餘水更深清華兩輝映閑步一窺臨  
蘋藻復嘉色鳧鷖亦好音韶芳媚洲渚蕙氣襲衣襟  
蕭散皆為樂徘徊從此欽謂予成夙志歲晚共抽簪  
冬中至玉泉山寺屬窮陰冰閉崖谷無色  
及仲春行縣復往焉故有此作

靈境信幽絕芳時春暄妍再來及茲勝一遇非無緣  
萬木柔可結千花敷欲然松間鳴好鳥竹下流清泉



石壁開精舍金充照灑筵真空本自寂假有聊相宣  
復此灰心者仍追巢頂禪簡書雖有畏身世亦俱捐

登麗城南樓作

閉閣幸無事登樓聊未日雲霞千里開洲渚萬形出  
澹澹澄江漫飛飛度鳥疾邑人半艦艦津樹多風橘  
感別時已屢憑眺情非一遠懷不我同孤興與誰悉  
平生本單緒解后承復秩謬忝為邦寄多慙理人術  
駑鈍雖自勉倉廩素非實陳力倘無效謝病從芝朮  
心累猶不盡果為物外牽偶因耳目好復假丹青妍

題畫山水障

嘗抱野間意而迫區中緣塵事固已矣秉意終不遷  
良工適我願妙墨揮岩泉變化含羣有高深侔自然  
置陳北堂上做像南山前靜無戶庭出行已茲地偏  
萱草憂可樹合歡忿亦蠲所因本微物况乃憑幽筌  
言象會自泯意色聊相宣對翫有佳趣使我心眇綿  
已上係初唐之詩

蔡希寂

登福先寺上方然公禪室

名都標佛刹萬構臨河干舉目上方峻森森青翠攢  
步登諸劫盡忽造浮雲端當暑扁闥邃却嫌絺綌寒



禪房最高頂靜者殊閑安竦雨向空城數峯簾外盤  
午鍾振衣坐招我同一餐真味雜飴露衆香唯苜蘭  
晚來恣偃俛茶果仍留歡

蔡文恭

奉和夏日遊山應制

首夏林壑清薄暮煙霞上連巖聳百仞絕澗臨千丈  
照灼晚花鮮潺湲夕流響悠然動睿思息駕尋真賞  
淡彼渦川作懷茲洛濱想竊吹等齊竿何用承恩獎

宋務光

海上作

曠哉朝夕池大矣乾坤力浩浩太無際法法深不測  
崩騰歛張流決漭環中國鱗介錯殊品氛霞饒詭色  
天波混莫分島樹遙相識漢主採靈恠秦皇恣遊陟  
搜奇大壑東竦望成山北方術徒相誤蓬萊安可得  
吾君畧僊道至化孚淳默驚浪按窮溟飛航通絕域  
馬韓底厥貢龍伯脩其職粵我邁休明匪躬期正直  
敢輸鷹隼勢以間豺狼忒海路行已殫輜軒未皇息  
勞君玄月暮旅涕滄浪極魏關渺雲端馳心負歸翼

張光朝

荻唐西莊贈房元垂



門在荻塘西塘高何聯聯往昔分地利遠近無閑田  
水國信汗下霖霖即成川苗稼盡湮沒茲鄉獨豐年  
家肥侍親懿人樂思管絃日晏始能起盥漱看厨煙  
醞酒寒正熟養魚長食鮮黃昏鍾未鳴偃息早已眠  
何意久城市寂寥丘中緣俛仰在顏色區區人事間  
憶昔炎漢時乃知綺季賢靜默不能仕養老終南山

包融

答國子張主簿

湖岸纜初解鶯啼別離處遙見舟中人時時一迴顧  
坐悲芳歲晚花落青軒樹春夢隨我心搖揚逐君去

酬忠公林亭

江外有真隱寂居歲已侵結廬近西術種樹久成陰  
人迹乍及戶車聲遙隔林自言解塵事咫尺能韜沉  
為道豈廬霍會靜由吾心方秋院木落仲望日蕭森  
時我興來趣採菊行相尋塵念到門盡遠情對君深  
劇談入理窟再索破幽襟安得山中信致書移尚禽

西漢逸民傳尚長字子平與東海禽慶字子夏二人相善

陶翰

秋山夕興

閑坐松篠下月明山景鮮聊為高秋酌復此清夜絃



天語下 万獲志栖心亦彌年尚言興未逸更理逍遙篇  
劉昶虛

越中問海客

積雨滄洲暮一帆今始歸自云發南海萬里速如飛  
誰謂落何處未將無所依冥茫漸西見山色越中微  
獨念去時遠人經此路稀泊舟悲且泣使我亦沾衣  
浮海焉用說憶鄉難久違縱為魯連子山路有柴扉  
儲光羲

題辨覺精舍

偶隨秋雲陰乃至青松林花閣空中遠方池巖下深

竹風亂天語溪響成龍吟試問眞君子遊山非世心  
題慎言灑師故房

精廬不住子自有無生鄉過客知何道徘徊燕子堂  
浮雲歸故嶺落月還西方日夕虛空裏時時聞異香  
石甕寺

遙山起真宇西向盡花林下見宮殿小上看廊廡深  
苑花落池水天語聞松音真子又知我焚香期化心  
題崔山人別業

南陽隱居者築室丹溪源溪冷懼秋晏室寒欣景暎  
山雞鳴菌閣水霧入衡門東嶺或舒嘯北窓時討論



封君渭川竹逸士漢陽園何必空同上獨為堯所尊  
行次田家澳梁作

田家俯長道邀我避炎氛當暑日方晝高天無片雲  
桑間禾黍氣柳下牛羊羣野雀棲空屋晨風不復聞  
前登澳梁城極望溫泉分逆旅方三舍西山猶未曛

昭聖觀

主家隱溪口微路入花源數日朝青閣彩雲猶在門  
雙樓夾一殿玉女侍玄宗扶棹盡蟠木步欄多畫幡  
新松引天闕小栢繞山樊坐弄竹陰遠竹隨溪水喧  
石池辨春色林獸知人言未逐鳳凰太真宮在此原

題辛道士房

全神不言命所尚道家流迨此遠商楚遂令思北遊  
先生秀衡岳玉立居玄丘門帶江山靜房隨瑤草幽  
逍遙三花發罔象五雲浮自有太清絕曾垂草髮憂  
大年方橐籥小智即蜉蝣七日赤龍至莫令余獨留

登秦嶺作時陷賊歸國

朝出猛獸林躡蹠登高峯僮僕履雲霧隨我行太空  
羲和舒靈暉倏忽西極通迴首望涇渭隱隱如長虹  
九達合蒼蕪五陵遙矐矐鹿遊大明殿露濕華清宮  
網羅螻蟻時頽齒能罷鋒失途走江漢不能有其功



氣逐招搖星魂隨閭闔風唯言宇宙清復使車書同  
秋木被繁霜合沓連山紅鷓鴣勵羽翼俯視荆棘叢  
誓將食鷓鴣歛後歸崆峒

李頎

古塞下曲

行人朝走馬直指薊城旁薊城通漢北萬里別吾鄉  
海上千烽火沙中百戰場軍書發上郡春色渡河陽  
裊裊漢宮柳青青胡地桑琵琶出塞曲橫笛斷君腸  
贈別穆元林

貳職久辭滿藏名三十年丹墀策頻獻白首官不遷

明主日徵士史曹何忽賢空懷濟世業欲掉滄浪船  
舉酒洛門外送君春海邊彼鄉有令弟小邑試烹鮮  
轉浦雲壑媚江花鳥連綠芳暗楚水白鳥飛吳煙  
贈臚亦奚貴亂流期復旋金閨會通籍生事豈徒然  
送綦毋三謁房給事

夫子大名下家無鍾石儲惜哉湖海上曾校蓬萊書  
外物非本意此生空淡如所思但乘興遠適維單車  
高道時坎坷故交願吹噓徒言青瑣闥不愛承明廬  
百里人戶滿片言諍訟踈手持蓮花經目送飛鳥餘  
晚景南路別炎雲中伏初此行倘不遂歸食蘆洲魚



常建

太公哀晚遇

日出渭流白文王畋獵時釣翁在蘆葦川澤無熊羆  
詔書起遺賢疋馬令致辭因稱江海人臣老筋力衰  
遲遲詣天車怏怏悟靈龜兵馬更不獵君臣皆共持  
同車至咸陽心影無璘緇四牡玉墀下一言為帝師  
王侯擁朱門軒蓋耀長逵古來榮華人遭遇誰如之  
落日懸桑榆光景有頓虧倏悲天地人雖貴將何為

空靈山應田叟

湖南無村落山舍多黃茆淳朴如太古其人居易巢

牧童唱巴歌野老亦獻嘲泊舟問谿口言語皆啞咬  
士俗不尚農豈暇論肥瘠莫徭射禽獸浮客烹魚鮫  
余亦興宜人獲麋今尚苞敬君中國來願以充其庖  
日入聞虎鬪空山滿咆哮懷人雖共安異域終難交  
白水可洗心采薇可為殽拽策皆落日江風鳴稍稍

贈二侍御

高山臨大澤正月蘆花乾易色裏兩崖不改青松寒  
士賢守孤貞古來皆共難明君惜其才臺上飛三鸞  
操與霜雪明量與江海寬束身視天涯安能共波瀾  
孤鶴在枳棘一枝非所安逸翮望絕霄見欲凌雲端



層臺何其高山名流洪湍固知非天池鳴躍同所驩  
誰念獨枯槁四十長江干責躬貴知己効拙從一官  
折翮悲高風苦飢候朝飡湖月映大海天空何漫漫  
托身知未所謀趙庶不刊吟彼喬木詩一夕常三嘆

吳筠

步虛詞 三首

稟化凝正氣鍊形為真僊忘心符元宗返本叶自然  
帝乙集絳宮流光出丹玄元英與樺君朗咏長生篇  
六符煥明霞百闕羅紫煙飈車涉寥廓靡靡乘景遷  
不覺雲路遠斯須遊萬天

灼灼青華林靈風振瓊柯三光無冬春一氣清且和  
迴首邇結靈傾眸親曜羅豁落制云天流鈴威百魔  
綿絲慶不極誰謂椿齡多

爰從太微上四覲虛皇尊騰我八景輿威遲入天門  
既登玉宸庭肅肅仰紫軒敢問龍漢末如何闢乾坤  
怡然輟雲璈告我希夷言幸聞至精理方見造化源

同劉主簿承介建昌江泛舟作

吾友從吏隱和尅心杳然鳴琴正多暇嘯侶浮清川  
風霽遠登映昭昭涵洞天坐驚衆峯轉乃覺孤舟遷  
崖嶼非一狀差池過目前徘徊白日暮月色江中鮮



真興殊未已滔滔且泝泆時歌滄浪曲或誦逍遙篇  
酣暢迷夜久遲遲方告旋此時無相與其旨在意筌

緱山廟

朝吾自嵩山驅駕遵洛汭逶遲輟轅側仰望緱山際  
王子謝時人笙歌此賓帝仙材夙所稟寶位焉足繫  
為迫九霄期闕流蒼生惠高蹤邈千載遺廟今一詣  
肅肅生風雲森森列松桂大君弘至道層構何壯麗  
稽首環金壇焚香陟瑤砌伊予超浮俗塵慮久已閉  
况復清肅心蕭然叶真契

孟雲卿

悲哉行

孤兒去慈親遠客喪主人莫吟苦辛曲此曲誰忍聞  
可聞不可說太公無期別行人念程不待參辰沒  
朝亦恒苦飢暮亦恒苦飢飄飄萬餘里貧賤多是非  
少年莫遠遊遠遊多不歸

行行且遊獵篇

少年多武力勇氣冠幽州何以縱心賞馬蹄春艸頭  
遲遲平原上狐兔奔林丘猛火忽前逝俊鷹連下鞬  
俯身逐南北輕捷固難倚所發無不中失之如我讐  
豈唯務馳騁猗爾暴田疇殺非不痛古來良有由



古挽歌

草草閭巷喧塗車儼成位冥冥何所須盡我生人意  
北邱路非遠此別紅瓦地臨穴頻撫棺至哀反無淚  
爾形未衰老爾息纔童穉骨肉安可離皇天若容易  
房帷卽靈帳庭宇為哀次薤露歌若斯人生盡如寄  
田園觀雨兼晴後作

貧賤少情欲借荒種南陂我非老農圃安得良土宜  
穠成不廉儉歲餘多餒饑顧視倉廩間有糧不成炊  
晨登南園上暮歇清蟬悲早苗旣芘芘晚田尚離離  
五竹孰堪廢萬物當及時賢哉數夫子開翅慎勿遲

丁僊芝

和薦福寺英公新構禪堂

上人久棄世中道自忘筌寂照出羣有了心清衆緣  
所以於此地築館開青蓮果藥羅砌下煙虹垂戶前  
呪中灑甘露指處流香泉神遠日躡事體清宵不眠  
枳聞廬山瀟松入漢陽禪一枕四山外虛舟常浩然

劉復

送王倫

春江日未曛楚客酣送君翩翩孤黃鶴萬里滄洲雲  
四方各有志豈得常顧羣山連巴湘遠水與荆吳分



清光日脩阻尺素安可論相思寄夢寐瑤艸空氛氲  
已上係盛唐之詩

唐詩拾遺卷之一

唐詩拾遺卷之二目錄

五言古詩下

劉長卿 五 錢起 五 皇甫冉 四

韓翃 三 盧綸 二 姚係 二

陳存 一 嚴維 一 釋皎然 一

李端 一 顧况 四 李益 三

朱灣 一 暢當 一 楊衡 一

于鵠 一 德宗皇帝 一 權德輿 三

武元衡 三 李夷簡 一 劉禹錫 三

李正封 一 張籍 二 王建 一



呂溫 一 孟郊 五 歐陽詹 一

白居易 一 元稹 二 鮑容 一

姚合 一 陳陶 二 溫庭筠 二

劉駕 一 陸龜蒙 一 任翻 一

唐詩拾遺卷之二

新寧高棟編

五言古詩下

劉長卿

寄李侍御

舊國人未歸 芳洲草還碧 年年湖上春 悵望江南客  
驄馬入西關 白雲獨何適 相思煙水外 惟有心不隔

橫龍渡

空傳古岸下 曾見蛟龍去 蘊水晚沉沉 猶疑在深處  
亂聲沙上石 倒影雲中樹 獨見一扁舟 樵人柱來渡



送裴四判官赴河西軍試

吏道豈易愜如君誰與倚逢時將騁驥臨事無全牛  
鮑叔宰相知田蘇頗同遊英姿挺孤秀清論含九流  
出塞左持簡辭家擁鳴騶憲臺貴公舉幕府資良籌

正士作四言

八留陽關望元盡洮水令人愁

萬里看一鳥曠然煙霞收晚花對古戍春雪塞邊州  
道路雖暫隔音塵仍可求化時相望處明月西南樓  
奉使新安自桐廬縣嚴陵釣臺宿七里灘

下寄使院諸公

悠然釣臺下懷古時一望江水自潺湲行人獨惆悵

新安從此始桂楫方蕩漾迴轉百里間青山千萬狀  
連崖太不斷對嶺遙相向夾岸黛色秋沉沉綠波上  
夕陽留古木水鳥拂寒浪月下扣舷聲煙中採菱唱  
猶憐負鞵束未暇依清曠牽役徒自勞近名非所向  
何時故山裏却醉松花釀迴首唯白雲孤舟復誰訪  
早春贈別趙居士還江左時長卿下第歸

嵩陽舊居

見君風塵裏意出風庭外自有滄洲期含情十餘載  
深居鳳城北日預龍華會果得僧家緣能遺俗人態  
一身今已適萬物知何愛悟灑電已空看心水無礙



且將窮妙理兼欲尋勝槩何獨謝客遊當為遠公輩  
放舟馳楚郭負杖辭秦塞目送南飛雲令人想吳會  
遙思舊遊處鬢鬢疑相對夜火金陵城春煙石頭瀨  
滄波極元末萬里明如帶一片孤客帆飄然向青靄  
楚天含江氣雲色常霽對隱見湖中山相連數州內  
君行意可得全與時人背歸路隨楓林還纒念蓴菜  
顧予尚羈束何幸承眇眇素願徒自勤清機本難逮  
累年寮賓薦末路逢沙汰濩落名不成徘徊意空大  
逢時難遺逵守道甘易退逆旅鄉夢頻春風客心碎  
別君日已遠離念無明晦予亦返紫荆山田事耕耒

錢起

雨中望海上懷鬱林觀中道侶

山觀海頭雨懸森動烟樹只疑蒼茫裏鷗鳥欲飛去  
大塊怒天吳驚潮蕩雲路羣真儼盈想一蒂不可渡  
惆悵赤城期願假輕鴻馭

廣德初鑿駕出關後登高愁望

長安不可望望處邊愁起輦轂混戎夷山河空表裏  
黃雲壓城闕斜照移烽壘漢幟遠成霞胡馬來如蟻  
不知涿鹿戰早晚蚩尤死渴日候河清沉憂催暮齒

海畔秋愁



匡濟難道合去留隨興牽偶為謝客事不願平子田  
魏關賁翹楚此身長棄捐箕裘空在念拙訕誰推賢  
無用即明代養病仍壯年日夕望佳期帝鄉路幾千  
秋風晨夜起零落空芳荃

過沈氏山居

鷄鳴孤烟起靜者能卜築喬木出雲心閑門掩山腹  
貧交喜相見把臂懽不足空林留宴言永日清耳目  
泉聲冷樽俎荷氣香童僕往往仙犬鳴樵人度深竹  
酒酣出谷口世網何羈束始願今不從區區折腰祿  
羅章陵令山居過中峯道者

丘壑趣如此暮年始棲隱賴遇無心雲不笑歸來晚  
鳴鳩拂紅枝初服傍清畎昨日山僧來猶嫌嘉遁淺  
託君紫陽家路滅心更遠梯雲創其居抱犢上絕巘  
杏田溪一曲霞徑峯幾轉岐石揖飛泉謝公應在眼  
願言攜手去採藥長不返

皇甫冉

屏風上各賦一物得携琴客

不是向空林應當就磐石白雲知隱處芳草迷竹迹  
如何祗役心見爾携客

寄高雲



南徐風日好悵望毗陵道毘陵有故人一見恨無因  
獨戀青山久唯令白髮新每嫌持手板時見著頭巾  
烟景臨寒食農桑接仲春家貧仍嗜酒生事今何有  
芳草遍江南勞心憶携手

雜題嶼

張補闕王鍊師自徐方清路同舟南下臺頭寺番別趙負外裴補闕

同賦

朝朝春事晚泛泛竹舟遠淮海思無窮悠揚烟景中  
幸將僊子去復與故人同高枕隨流水輕帆任遠風  
鍾城野寺迥草色故城空送別高臺上徘徊共惆悵  
懸知白日斜定是猶相望

曾東遊以詩寄之

出郭離言多迴車始知遠寂然曾城暮更念前山轉  
總轡越城臯浮舟背梁苑朝朝勞延首往往若在眼  
落日孤雲還邊愁迷楚關如何椒花發復對遊子顏  
古寺杉枯裏連檣洲渚間烟生海西岸雲見吳南山  
驚風掃荻荻翻浪連元白正是揚帆時偏逢江上客  
由來許佳句况乃愜所適窅我天姥峯翠色春更碧  
氣棲湖上雨月爭剡中夕釣艇或相逢江籬又堪摘  
迢迢始寧野蕪沒謝公宅朱槿列摧墉蒼苔徧幽石  
顧予任踈懶期爾振羽翮滄洲未可行須售金門策



韓翃

送李明府赴渭州

渭城寒食罷送客歸馬道烏帽背斜暉青驪踏春艸  
酒醒孤燭夜衣冷千山早去事沈尚書應憐詞賦好

送客遊江南

桂水隨太遠賞心知有餘衣香楚山橘手膾湘波魚  
芳芷不芟把浮雲悵離居遙想汨羅上弔屈龜風初

送李司直赴江西使幕

歛板辭漢庭進帆歸楚幕五江城上轉九里人家泊  
好酒近宜城能詩謝康樂雨晴西山樹日出南昌郭

竹露點衣巾湖烟濕局鑰主人蒼玉佩後騎黃金絡  
高枕領八州相期同一鶚行當報已知從此飛寥廓

盧綸

同吉孚夢桃源

夜靜春夢長夢逐僊山客林園滿芝朮雞犬傍籬柵  
幾處花下人看余咲頭白

送道士郗彝素歸內道場

病老正相仍忽逢張道陵羽衣風浙浙僊貌玉稜稜  
叱我問中壽教人祈上井樓居五雲裏幾喚武皇登

姚係



秋夕會友

倦客易相失，懽遊無良晨。忽然一夕間，稍慰闔家貧。  
白露下庭梧，孤琴始悲辛。迴風入幽草，蟲響滿四隣。  
會遇更何時，待杯重慙懃。

楊參軍庄送宇文邈

秋雲冒原隰，野鳥滿林聲。愛此田舍事，稽君車馬程。  
離堂慘不喧，脉脉復盈盈。蘭葉一經露，香消為贈輕。  
燈光耿方寂，虫思隱逾清。相望忽無際，如含江水清。

陳存

送劉秀才南歸

為別楊柳垂，此別千萬里。古路入南山，春風生灞水。  
停車落日在，罷酒離人起。蓬戶寄龍沙，送歸情詎已。

嚴維

送丘為下第歸蘇州

滄江一身客，獻賦空十年。明主豈能好，今日誰舉賢。  
國門稅征駕，旅食謀歸旋。皦日媚春水，綠蘋香客船。  
魚媒既不達，余亦思歸田。

僧皎然

奉陪陸使君長源裴端公樞春遊虎丘寺  
雲水夾雙刹，遙疑涌平陂。入門見藏山，元化何由窺。



曳組探詭恠停驂訪幽竒情高氣為爽德煖春亦隨  
瑶草自的皪蕙樓爭蔽虧金精發壞陵劔彩沈靈池  
一覽匝天界中峯步來移應喜生公石列坐援松枝

李端

折楊柳

東城攀柳葉柳葉低著草少壯莫輕年輕年有人老  
柳發遍川崗登高堪斷腸雨烟輕漠漠何樹近君鄉  
贈君折楊柳顏色豈能久上客莫沾巾佳人正回首  
新柳送君行古柳傷君情突兀臨荒渡娑娑出舊營  
隋家兩岸盡陶宅五株平日暮偏愁望春山有鳥聲

頽况

謝王郎中見贈琴鶴

此琴等焦尾此鶴方胎生赴節何徘徊理感物自并  
獨立江海上一彈天池清朱絃動瑤華白羽飄玉京  
因想羨門輩眇然四體輕子喬翔鄧林玉母遊層城  
忽如啓靈囂鸞鳳相呼鳴何由玉女牀太食琅玕英

長安竇明府後亭

君為長安令我羨長安政五日一朝天南山對明鏡  
鳥飛青苔院水木相輝映客至南薰微絲桐展歌詠  
吏人何肅肅終歲無喧競欲識明府賢邑中多百姓



和翰林吳舍人兄弟西齋

君家誠易知易知復難同新裁一尺詔早入明光宮  
西齋何其高上與星漢通未懷洞庭石春色相玲瓏  
又懷巴峽泉夜落君絲桐信是怡神所迢迢茂華嵩  
鳥飛晴雲滅疊嶂盤虛空君家誠易知易知意難窮  
從江西至彭蠡入浙西淮南界道中寄齊

相公

大賢舊丞相作鎮江上雄自鎮江上來何人得如此  
處士待徐孺僊人期葛洪一身控上遊八郡趨下風  
比屋除畏溺林塘曳煙虹生人罷虔劉井稅均以充

大府肅無事歡言接悲翁心清百丈泉目送孤飛鴻  
數年鄱陽掾抱責棲微躬首陽及汨羅無乃偏其衷  
楊朱并阮籍未免哀途窮四賢雖得仁此怨何怱怱  
老氏齊寵辱於陵一窟通本師留度門平等冤親同  
能依二諦汰了達三輪空真境靡方所出則內外中  
無邊盡未來定惠雙脩功蹇步慙寸進飾裝隨轉蓬  
朝行楚水陰夕宿吳洲東吳洲覆白雲楚水飄丹楓  
晚霞燒迴潮千里光瞳瞳莫開海上影桂吐淮南叢  
何當翼明庭草木生春融

李益



賦得早蕤送別

碧草漫如線去來雙飛蕤長門未有春先入班姬殿  
梁空繞復息簷寒窺欲遍今至隨紅藥昔還悲素扇  
一別與秋鴻差池詎相見

蓮塘驛

五月渡淮水南行遶山陂江村遠鷄應竹裏聞縲絲  
楚水肌髮羨蓮塘煙露滋菱花覆碧渚黃鳥雙飛時  
渺渺沂河遠憑風託微詞斜光動流睇此意難自持  
女歌本輕艷客行多怨思女蘿蒙幽蔓擬上青桐枝

入華山訪隱者經仙人壇

三考西岳下官曹少休沐久負青山詔今還獲所欲  
常聞玉清洞金簡受玄籙夙駕升天行雲霞恣遊宿  
平明矯輕策捫石入空曲征人古石壇苔遶青瑤局  
陽桂凌烟紫陰蘿冒水綠隔山聞丹經懸泉注明玉  
前驚羽人會白日天居肅問我將致辭咲之自相目  
竦身雲逐起仰見雙白鵠墮其一紙書文字類鳥足  
視之了不識三返文三復歸來問方士舉世莫能讀  
何必若蜉蝣然後為謁促鄙哉宦遊子身志俱降辱  
再往不及期勞歌叩山木

朱灣



七賢廟

常慕晉高士放心日沉冥湛然對一壺土木為我形  
下馬訪陳迹披榛詣荒庭相看兩不言猶謂醉未醒  
長嘯或可擬幽琴難再听同心不共世空見蘇門青  
暢當

宿報恩寺精舍

鍾梵送沉景星多露漸光風中蘭靡靡月下樹蒼蒼  
夜殿若山橫深松如澗涼羸然虎溪子遲我一虛床  
杳杳空寂舍濛濛蓮桂香擁褐依西壁紗燈靄中央  
楊衡

宿陟岵寺雲律師院

象宇鬱參差寶林踈復密中有彌天子燃燈坐虛室  
心澄紅蓮喻跡羈青眼律玉鑪楊翠烟金經開縹帙  
肆陳堅固學破我夢幻質碧水洒塵纓涼風當夏日  
宿禽詎相保迸火煙欲失願迴戚促勞趨隅事休逸  
于鵠

寄盧儼員外穩衣詞

寄遠空以心心誠亦難知篋中有秋帛裁作遠客衣  
縫製雖女工尺度手自持容貌常目中長短不復疑  
斜縫密且堅遊客多塵縑意欲都無言澣濯耐歲時



殷勤託行人傳語慎勿遺別來已年老亦聞髮成絲  
縱然更相逢握手唯是悲所寄莫復棄願見長相思  
德宗皇帝

三日書懷因示百僚

佳節上元已芳時屬暮春流觴想蘭亭捧劍傳金人  
風輕水初綠日晴花更新天文信昭回皇道頗敷陳  
恭已每從儉清心常保真戒茲遊衍樂書以示羣臣  
已上係中唐之詩

權德輿

竹徑偶然作

退朝此休沐閉戶無塵氛支策入幽徑清風隨此君  
琴觴恣偃傲蘭蕙相芬蓋幽賞方自適林西烟景曛  
初秋月夜中書宿直因呈楊閣老

歌枕有廬暇風蟬迎早秋沉沉玉堂夕皎皎金波流  
對掌喜新命分曹諧舊遊相思翫華彩因感庾公樓  
奉和聖製仲春麟德殿會百寮觀新樂

仲月藹芳景內庭宴羣臣森森列千戚濟濟趨鈞陳  
大樂本天地中和序人倫正聲邁咸濩易象合義文  
玉俎映朝服金鈿明舞裊韶光雪初霽聖藻風自薰  
時泰恩澤溥功成行綴新賡歌仰昭回竊比華封人



武元衡

奉和聖製豐年多慶九日示懷

令節寰宇泰神都佳氣濃賡歌禹功盛擊壤堯年豐  
九奏碧霄裏千官皇澤中南山澹凝黛曲水清涵空  
金玉美王度歡康謠國風睿文垂日月永與天無窮  
奉和聖製重陽日即事六韻

玉燭降寒露我皇歌大風重陽德澤振萬國歡娛同  
綺陌擁行騎香塵凝曉空神都自藹藹佳氣助怱怱  
律呂金石暢景光天地通徒然被鴻霈無以報玄功

奉酬李十二尚書大使西亭暇日書懷見

寄十二韻之作

鼎鑄昔云忝西南分主憂烟塵開棘道旌節護蠻陬  
任重功不立力微恩未酬據鞍慙齒髮責帥懼春秋  
高德聞鄭履儉居稱晏裘三刀君入夢九折我迴輶  
時景屢遷易茲焉期退休方追故山事豈謂台階留  
遐揖清靜理眷言蘭桂幽一緘瓊玖贈萬里別離愁  
巴嶺雲外沒蜀江天際流懷賢耿遙思相望鳳池頭

李夷簡

西亭暇日書懷十二韻獻上武元衡相公

勝賞不在遠無然念冥搜茲亭有殊致經始富人侯



澄澹分沼泚縈迴間林丘荷香奪芳麝石溜當鳴球  
撫俗來康濟經邦去咨謀寬明洽時論惠愛聞毗謳  
代斲豈容易守成獲優游文翁舊學校子產昔田疇  
琬琰富佳什池臺想舊遊誰言矜改作曾是日增脩  
憲省忝陪屬岷峩嗣徽猷提携當有路勿使滯刀州

劉禹錫

華清宮詞

日出驪山東徘徊照溫泉樓臺相玲瓏稍稍開白煙  
言昔太上皇常居此祈年風中聞清樂往往來列僊  
翠華入五雲紫氣歸上玄哀哀生人淚泣盡弓劍前

聖道本自我凡情徒顯然小臣感玄化一望青冥天

送華陰尉張茗赴邕府使幕張即燕公之  
孫頂坐事除

名

昔忝南宮郎往來東觀頻嘗披蕪文傳聳若窺三辰  
翊聖崇國本保賢正朝倫高視緬今古清風更無隣  
蘭錡照通衢一家十朱輪鄴國嗣侯絕為卿貴業貧  
夫子承大名少年振芳塵青袍僊掌下矯首陵煙旻  
公治本非罪潘郎一為民風霜苦搖落堅白無緇磷  
一旦逢良時天光燭幽淪重為長裾客佐彼觀風臣  
分野窮禹畫人煙過虞處不言此行遠所樂相知新



雨起巫山陽鳥鳴湘水濱離筵出

別曲多悲辛

今朝一杯酒明日千里人從此孤舟去悠悠天海春

送湘陽熊判官孺登府罷歸鍾陵因寄呈

江西裴中丞二十三兄

射策志未就從事府云除篋留馬卿賦袖有劉弘書  
忽見夏木深悵然憶吾廬復持州民刺歸謁專城居  
君家誠易知勝絕傾里閭人言北郭生門有卿相輿  
鍾陵藹千里帶郭西江水朱檻照河宮旗亭綠雲裏  
前年初缺守慎簡由宸宸臨軒奏麗章得人方付此  
是時左馮翊天下第一理貴臣持牙璋優詔發青紙

迎風奸吏免先令疲人喜何忒劾腐儒陳蕃禮高士

昔昇君子堂腰下綬猶黃

中丞時為萬年尉

量多奇鋌束簡下曲臺佩鞬來歷易綺筵陪一咲蘭

室襲餘芳風水忽異勢江湖遂相忘因君倘借問作

尚有為話老滄浪

李正封

夏遊招隱寺暴雨晚晴

竹栢風雨過蕭疎臺殿涼石渠瀉奔溜金刹照頽陽  
鶴飛巖煙碧鹿鳴澗草香山僧引清梵幡蓋遶回郎

張籍



野居詩

貧賤易為適荒郊亦安居端坐無餘思彌樂古人書  
秋田多良苗野水多遊魚我無未與網安得充廩厨  
寒天白日短簷下暖我軀四支漸寬柔中腸鬱不舒  
多病減志氣為客足憂虞况復苦時節賢景獨踟蹰

西州詩

羗胡據西州近甸無邊城山東收稅租養我防塞兵  
胡騎來無時居人常震驚嗟我五陵間農者罷耘耕  
邊頭多熬傷士卒難全形郡縣發丁役丈夫各征行  
生男不能養懼身有姓名良馬不念秣烈士不苟營

所願除國難再逢天下平

王建

泛水曲

載酒入煙浦方舟泛綠波子酌我復飲子飲我復歌  
蓮深微路通峯曲幽氣多閱芳無畱暇弄桂不停柯  
水上蘊月鮮西山碧峩峩茲歡良可貴誰復更來過

呂溫

衡州送李兵曹赴湘東

慷慨視別劍淒清泛離琴前程楚塞斷此別洞庭深  
文字久已廢循良非所任期君碧雲上千里一揚音



孟郊

夢澤中行

楚山爭蔽虧白日無全輝  
楚路多迴惑旅人有迷歸  
騏驥思北首鷓鴣願南飛  
我懷京洛遊未厭風塵衣

送清遠上人歸楚山舊寺

波中出吳境霞際登楚岑  
水寺一別來雲蘿三改陰  
詩誇碧雲句道證青蓮心  
應懽萍沲者不如松隱深

夜集汝州郡齋聽陸僧辨彈琴

康樂寵詞客清宵意無窮  
徵文北窓外借月南樓中  
千里愁併盡一樽懽暫同  
胡為憂楚瑟淅瀝起寒風

贈裴樞端公

君子量不極胸吞百川流  
嫉邪霜氣直問客春辭柔  
日戶書暉靜月杯宵景幽  
詠驚芙蓉發嘯激風颺秋  
鸞步獨無侶鶴音清寡倚  
幸霑分寸顧散此千萬憂

聽琴

颯颯微雨收翻翻桐葉鳴  
月沉亂峯西寥落三四星  
前溪忽調琴隔水寒琤琤  
聞彈正弄聲不敢枕上聽  
迴燭整頭簪漱泉立中庭  
定步履齒深久貌禪日冥  
微風吹衣襟猶認宮徵聲  
學道三十年未免憂死生  
聞彈一夜中會盡天地情



歐陽詹

春日途中寄故園所親

客來度年華故園未云返悠悠去源水日日只有遠  
始嘆秋葉零又看春草晚寄書南飛鴻相憶劇鄉縣  
白居易

立秋夕涼風忽至炎暑稍消即事詠懷寄  
汴州節度使李二十尚書

嫋嫋簷樹動好風西南來紅缸霏微滅碧幌飄飆開  
披襟有餘涼拂簟無纖埃但喜煩暑退不惜光陰催  
河秋稍清淺月午方徘徊或行或坐卧體適心悠哉  
美人在浚都旌旗繞樓臺雖非滄溟阻難見如蓬萊  
蟬迎節又換鴈送書未迴君位日寵重我年日摧頽  
無因風月下一共平生杯

元稹

分流水

古時愁別淚滴作分流水日夜東西流分流幾千里  
通塞兩不見波瀾各自起與君相背飛去去心如此  
清都夜境

夜久連觀靜斜月何晶熒寥天如碧玉歷歷細華星  
樓榭自陰映雲牖深冥冥纖埃悄不起玉砌寒光清



樓鶴露微影枯松多恠形南廂儼容衛音響如可聆  
啓聖發空洞潮真趨廣庭閑開葉珠殿暗閱金字經  
屏氣動方息凝神心自靈悠悠車馬上浩思安得寧

### 四皓廟

巢由昔避世堯舜不得臣伊呂雖急病湯武乃可君  
四賢無為者千載各氛氲顯晦有遺跡前後疑不倫  
秦政震天下黷武窮生民諸侯戰必死壯士眉亦顰  
張良韓孺子推碎厲車輪遂令英雄意日夜思報秦  
先生相將去不復嬰世塵雲卷在孤岫龍潛為小鱗  
秦皇轉無道諫者鼎鑊親茅焦脫衣諫先生無一言

趙高殺二世先生如不聞劉項爭天下先生游白雲  
海內八年戰先生全一身漢業日已定先生名亦振  
不得為濟世宜哉為隱淪如何一朝起屈作儲貳賓  
安存孝惠帝推穎戚夫人捨大以謀小虬蟠而蠖伸  
惠帝竟不嗣呂氏禍有因雖懷安劉志未若周與陳  
皆落子房術先生道何屯此處貴明白故吾今有云

### 鮑溶

### 塞上

朔風號薊門殺氣日夜興咸陽三千里鉄馬如飢鷹  
行子久去鄉見山不敢登寒自慘大野虜雲若飛鵞



西北防秋軍麾幢宿層冰匈奴天未喪戰鼓長騰騰  
漢卒馬上老樊纓空絲繩誠知天所厭欲罷又不能

姚合

架上藤

濛濛紫花藤下覆清溪水若遣隨波流不如風飄起  
風飄或近人隨波千萬里

陳陶

遊子吟

栖鳥喜林曙驚蓬傷歲闌關河三天雪何處是天山  
朔風無重衣僕馬飢且寒慘戚別妻子遲迴出門難

男兒值休明豈是長泥蟠何者為木偶何人侍金鑾  
鬱悒守貧賤悠悠亦無端進不圖功名退不處岩壑  
窮通在何日光景如跳丸富貴苦不早令人摧心肝  
誓期春之陽一振摩霄翰

送沈次魯南遊

高臺贈君別滿握軒轅風落日一揮手金鵝雲雨空  
鼇洲石梁外劍浦羅浮東茲興不可接脩脩煙際鴻

溫庭筠

鄆郊別墅寄所知

持願望平緣萬景集所思南塘遇新雨百草生容姿



幽鳥不相識美人如何期待然委搖蕩惆悵春風時

和沈參軍招友生觀芙蓉池

桂棟坐清曉瑤琴商鳳絲况聞楚澤香適與秋風期  
遂從掉萍客靜嘯煙草湄倒影迴澹蕩愁紅媚連漪  
湘莖久鮮澁宿雨增離披而我江海意楚遊勤夢思  
北渚水雲蔓南塘煙露枝豈亡臺謝芳獨與鷗鳥知  
珠墜魚迸淺影多鳧泛遲落英不可搴返照昏澄陂

劉駕

釣臺懷古

澄流可濯纓嚴子但垂綸孤坐九層石遠咲清渭庸

潛龍飛上天四海豈無雲清氣不零雨安使澆埃塵  
我來吟高風彷彿見斯人江月尚皎皎江石亦磷磷  
如何臺下路明日又迷津

陸龜蒙

別離曲

丈夫非無淚不洒離別問仗劍對樽酒耻為游子顏  
復蛇一螫手壯士疾解腕所思在功名離別何足歎

任翻

洛陽道

憧憧洛陽道塵下生春草行者豈無家無人在家老



唐詩拾遺  
少四九  
鷄鳴前結束爭公恐不早百年路傍盡白日車中曉  
求富江海狹取貴山獄小二端立在途奔走無由了

已上係晚唐之詩

唐詩拾遺卷之二



